

JESUSEN AURKEZPENA (Otsailak 2 Kandelario)

Sarrera

Israeldarrak, Jainkoarengandik hur-hur bizi ziran. Jainkoa zan eurentzat Salbatzailea; ondasun guztiak emoten eutsezana. Horregaitik Jainkoari eskeintzen eutsoezan fruturik onenak, baita euren semeak ere. Era horretara joan ziran Jose eta Maria JAURETXERA; euren seme Jesus Jainkoari eskeintzera.

Jauretxera sartzean, Simeon eta Anak, gizon-emakume fededunak ziranez, ume hori ezagutzen dabe: “nire begiek ikusi dabe Salbatzailea, mundu guztia argituko dauan ARGIA”. Bai, Jesus agertzen da munduko Argi lez. Horregaitik ospatzen dogu, gaur, ARGIAREN EGUNA.

Geu etorri gara gaur gure Jauretxera, geure Eleizara eta geure bizitza eskeiniko deusagu Jainkoari; geuk ere gure bizitza Jesusen ARGIA zabaltzen emon nahi dogu-ta.

Gaur, baita Bizitza Kongsagratuaren Munduko Ekitaldi egun honetan, gogoan ditugu euren bizitza eskeini daben kongsagratu guztiak.

Guztiok bat eginda abestu daigun

Abestia: Goazen alkarturik

Damu-otoitza:

Senideok, Jesukristok dakarskun salbamena onartzeko, pekatari garala eta argiaren beharrezanean gagozala autortzea beharrezkoa dogu. Gure ilunpeetatik atara gaizan apaltasun guztiaz esaten deusagu

—Jesus Jauna, geure argia izatera zatozana. ERRUKI JAUNA

—Jesus Jauna, geure ilunpetatik ataraitzen gaituzuna. KRISTO ERRUKI

—Jesus Jauna, geure bihotzak argitu nahi dozuzana. ERRUKI JAUNA

AINTZA: (Abestuz)

OTOITZA:

Jesus Jauna,

Zeu zara gure bizitzak argiz betetzen dituan argia.

Zure bizitza osoa munduko ilunpeak kentzen emon zenduan:

tristuraren ilunpeak, pozaren argiaz argitzen

gaixotasunaren ilunpeak, osasunaren argiaz argitzen

bakardadearen ilunpeak, adiskidetasunaren argiaz argitzen

haserrearen eta eztabaidaren ilunpeak bakearen argiaz argitzen

heriotzaren ilunpea, bizitzaren argiaz argitzen.

Zure bizitza osoa, Aita Jainkoari eskeini zeuntsan munduarentzat, gizon-emakume guztientzat argi izateko. Emoiguzu guztioi zure argi horretatik. J.G.J.

HITZAREN LITURGIA

MI. 3, 1-4

Malakias igarlea dogu Jerusalemeko Eleiza Nagusian Jaunaren Aurkezpena iragarri ebana.

Entzun daigun arreta handiz

23. Salmoa:

Salmo honetan galdera bizi-bizi bat egingo jaku eta baita berari erantzun egokia emon ere NOR DA ZERUKO ERREGE HORI? JAUNA DA! Jesus Mesias. Bera da, Jerusalengo eleizan sartzen dan Erregea, Salbatzailea. Goratu daigun Jesus gure Jauna.

AINZA JESUS ZURI BETI, ZU ZARA GURE ARGİ.

Ebanjelioa: Lk. 2, 22-40

Lukasen Ebanjelio honetan, Malakias igarleak esan ebana beteko da. Mesias Eleiza-Nagusian sartuko ebela eta Judako ta Israeleko opari lez Jaunari aurkeztua izango zala.

ALELUIA hitzak berak esan gura dauan lez, emon deioguzan eskerrak Jainkoari

Bere Seme bakarra geure ARGÍ lez bialdu deuskulako. Abestu dagigun poztasunez beterik Aleluia...

ARGIAREN EZAUGARRIA

Orain abadeak, Pazko zirioan kandela piztuaz eleiztarrei ARGÍ hori eroango deutse. Jaunarengandik hartzen dogun argia geuk ere argi berori gure neba-arrebei emongo deutsegu eta hori egiten dogun bitartean oihukatu daigun Jesus dala gure ARGÍ BAKARRA

Abestia: Jesus munduko argia...

JAINKO HERRIAREN OTOITZA

Ondo be ondo dakigu danok, gure mundua ilunpe haundi baten itzaltasunean bizi dana eta Jesusek munduko argia izateko deitu deuskuna eleiza lez

—Guztiok osotzen dogun Eleiza Amaren alde: Espiritu Santuaren ausardiaz beterik, JESUS dala gizakia argitzen dauan ARGÍ BAKARRA mundu guztian aldarrikatu dagian. GUZTIOK ESATEN DOGU:

AITA, JESUS DOGU GURE ARGÍ BAKARRA

—Mundu guztiko kristauen alde, JAINKO HERRI lez, bai laiko, gotzai, abade, eta bizitza konsagratu, alkarregaz bide eginez, eguneroko bizitzan Jesusen Barri Onaren mezulari izan eta danon artean maitasunezko Erreinua eraiki daigun. GUZTIOK ESATEN DOGU:

AITA, JESUS DOGU GURE ARGÍ BAKARRA

—Pekatuak, beragaz dakarren ilunpean bizi diran hainbat pertsonaren alde; borondate oneko hainbeste gizon-

emakumeren ekintzak ikusirik, lehenbailehen JESUSen ARGIRA bihurtu daitezan. GUZTIOK ESATEN DOGU:

AITA, JESUS DOGU GURE ARGI BAKARRA

—Eukaristia honetan alkartuta gagozan guztiok, gure Argi eta Salbamen dan Kristori jarraitu deiogula beti, Haren berbak onartu eta betez. GUZTIOK ESATEN DOGU:

AITA, JESUS DOGU GURE ARGI BAKARRA

Aita, Jesusengan zeure seme-alaba egin gaituzun ezkerro, emoiguzu zeure goiko ARGIA ta indarra, mundu honetan gutariko bakoitzak eta danok ARGIAREN SEME-ALABEI dagokien lez jokatu daigun. J.G.J.B. Amen.

ESKEINTZA: Abestia: Zurekin Jauna, eskeintzen dogu....

AGURRA

Andra Mariak, Jesusen umea Eleizan sartzean, munduko argia eta salbamena aurkeztu deusku. Guk ere bere antzera, Kristo egiazko argia zabaldu daigun.

Agertu deiogun gure Ama onari, gure esker-ona, Jesusen bizitza guztian partaide izan zalako, geure salbamenaren alde jokatz.

Abestia: Zeruko Ama izar argia...